



# DEO OPTIMO MAX. UNI ET TRINO,

VIRGINI DEI - PARÆ, ET S. LUCÆ  
Orthodoxorum Medicorum Patrono.

## QUÆSTIO MEDICA,

QUOD LIBETARIIS DISPUTATIONIBUS  
*manè discutienda in Scholis Medicorum, die Jovis vigesima-tertiâ  
mensis Decembris, anno Domini M. DCC. LI.*

M. DAVID VASSE, Doctore Medico,  
Præside.

*An ulceribus Pulmonum suffumigium è Balsamicis ?*

I.



ULMO est viscus illud, quod in mediâ cavitate, thorax, dictâ conti-  
netur; ex vasis arteriosis & venosis, tum sanguineis, tum lymphaticis;  
tum aerem ducentibus, efformatur: substantia mollis, spongiosa, sub-  
tilis, doloris vix capax. Inter primarios Pulmonum usus, annumeratur  
respiratio; hujus ope & aeris illabentis Beneficio, sanguis intrâ vasa  
pellitur & subigitur. Viscus illud, quam plurimis obnoxium est morbis;  
inter crudeliores numeratur Pulmonum tabes, ubi ad summum pervenit morbus. Cau-

Δ

ſæ huncce efficientes morbum infinitæ deducuntur, à debilitate vaſorum, ab acredine humorum, à ſuppreſſione excernendorum, veluti menſtruarum purgationum, lochiorum, hæmorrhoidum, veterum ulcerum, ſudorum, aliarumque hujusmodi, à cæli intemperie, ab animi pathematis gravioribus, à vitiatâ chyliſicatione, à vini & liquorum ſpirituoforum potatione, à nimio veneris uſu, à parentibus, à contagio, à negato vel violentiori exercitio, ab aere paluſtri fumove carbonum oppleto, à malâ thoracis conformatione, à morbis particularibus, ut ſcorbuto, ſcrophulis, hyſtericis paſſionibus, lue venereâ, pèripneumoniâ, pleuritide, &c. Ad debellandum huncce infeſum inimicum, fruſtrâ quam plurima tentavit ars ſalubris. Innumeræ mutationes & ſubacctiones quas ſuſtinent medicamina, antequam ad ſubſtantiam Pulmonum perveniant, virtutem eorum medicatricem, vanam, inutilem, vel ſaltem debilem efficiunt. Sed medicamentum, parti læſæ appoſitum, certè ſcopum attingeret & ulceris progreſſum ſiſteret; dum à laudabili chylo, ab alimentis euchymis reſtaurarentur partes dilaceratæ. Solum vehiculum, quo mediante partes balſamicæ, deterſivæ, breviori viâ in pulmone applicentur, nihil aliud eſt, quàm aer partibus ſubtilibus, ſecundum indicationem præparatis, imbutus & onuſtus;

## I I.

**T** A B E S funitur pro Pulmonum conſumptione. Duplex diſtinguitur; eſſentialis, quæ in pulmone cauſam agnoſcit; ſymptomatica, quæ ab affecto alio viſcere producitur; ſtatus triplex; incipiens, confirmata, deplorata. De incipiente & confirmatâ hic tantum ſermo eſt. Poſt dilacerationem, à quâcumque cauſâ oriatur, ſanguis tunc ſtagnat, putreſcit, & partes vicinas corrodit & ulcerat. Sanguis enim depuratiſſimus, ſi motu proprio non feratur, tunc putreſcit; exindè tabes. In hoc morbo affectis apparet ruſſicula, cum ſanguine & pure, febris hæctica, calor extrematum, præſertim volæ manuum & plantæ pedum; dolor gravativus & periodicè pungens in dorſo, genæ rubicundæ, vox rauca & exilis, anhelitus factor, & ingraveſcente morbo, capillorum deſtium, unguium curvatura, reſpiratio diſſilis & anhelofa, pectoris opreſſio, maraſmus, hypocondriorum gravitas, urina rubra, iracundia, triſtitia, animi anxietas, pruritus, diarrhæa; cognoſcitur etiam ille affectus ſputorum naturâ; vel ſputa ſunt ſubalbida, vel pellucida, vel lutea, vel ſubcærulea, vel ſubnigra & ferruginea, vel ſalina, vel inſipida, vel fetida. Ab aere medelam & ſanitatem expecta; nam veſiculolum Pulmonis parenchyma, continuò ferè ab aere pœnetratur & in ultimis reſceſſibus, perpetuâ novi aeris per reſpirationem ſucceſſione naturæ lege diſtenditur. Itâ præſens aeris ſtatus, non poteſt non eſſe maximi momenti. Debita aeris temperies, non ſolum præſervationi, verùm etiam curationi magis confert, quàm ſpecioſiſſima medicamentorum congeries, quæ non adeò continuò, nec pari copiâ ingeri poteſt ac aer. Ille autem, ut poteſt partibus impuris gravatus, inſenſibili modo vel rapidè œconomiz animalis harmoniam evertere, ſic miſcinata ſalubria ferens, partes dilaceratas reſtaurare, ad primam conformationem reducere & ulcera mundare potens eſt. Interiora Pulmonum ulcera, ut exteriora corporis, quæ ab aere tanguntur, ſpectari poſſunt; hæc autem topicis curantur, præſertim balſamicis & deterſivis.

## I I I.

**I** N curatione hujus morbi, aeris efficaciam, energiam, admiferunt antiqui & recentiores Medici; prout enim ſiccus, tepidus, vel morbidè frigidus & nebulofus eſt, hujus affectus curationem impedit vel promover. Sic pro methodo medendi, pro diverſis affectibus, diverſam aeris temperiem jubebant. Ea ratione ſuffuſus Gaſſenus, (a) præcipit aere exiſtente calidiori, æſtatis tempore ægrum degere in loco ſubterraneo, qui frigidiffimus ſit & ad Septentrionem vergat. Sic phthiſicos mittebat ad

(a) Gaſſenus  
Method. Med.  
p. 10, cap.  
8.

refuvii confinia, ubi aer ficiior esse solet; sic Mortonius (b) jubet, ægros aere uti aprico, persilili, benigno, & à fumo carbonum libero, qui non solum spiritus animales genusque nervosum confortet & consequenter appetitum languentem restituat: verum etiam pulmonibus, continuâ tussis calefactis, pacem conciliare possit. Et (c) Riverius, solo aeris usu conveniente hecticam extremâ macie confectum, intra mensem restitutum, vidisse affirmat. Recentiores iisdem innixi principiis, aere usi sunt. Nam ægrotos per fumum balsama peruviana & de meka hausturos esse voluerunt, & sæpè sapius illa remedia, cum successu præscripta fuisse testatur experientia; sed si illa aliquandò gravia & funesta symptomata paruerunt, non miror; epiglottidis, trachææ arteriæ textus delicatior, corpusculorum abundantiam, per fumum respiratione attractorum, sustinere non potuit. Exindè tussis enormes, syncopes & respiratio serè intercepta; exindè status pejor quàm antea. Sed his incommotis præitur, si aer intra parietes cubiculi receptus, insensibili modo salutares partes fert & applicat. Illud autem periticiur à suffitu levi.

#### I V.

**SUFFUMIGIUM** est illud remedium, quo partes qualibet, ope ignis summi odorem latè dispergunt & vapore odorifero per nares, in faucibus pulmonibusque, unâ cum aere intromittuntur immediatè; differt ab odoramentis quod hæc sine igne suaveolentiam suam expirent. Suffumigium à pluribus duplex distinguitur, unum voluptatis & sanitatis alterum, vel ad utrumque simul inserviens; siccum & humidum utrumque, & cultui aulico & deliciis dicatum. Quamvis ad voluptatem magis inservire videantur, tamen pro corporis utilitate præscribi possunt. Cerebrum recreare. Pulmonem à malignitate vindicare valent. Humidum usitatissimum, in plurimis morbis usurpari potest, ad cerebrum expurgandum, ad catharos absumendos, ad pituitam pectore contentam dividendam & eliciendam, ad ulcera præsertim pulmonum siccanda, ad alios plurimos affectus levandos miracula efficit. Inter præsidia, evaporationes & suffitus, tanquam nobiliora recenseri, ilique in extremis angustiis confidi vult Christ. Bennet (a); quorum materiam & utendi modum indicabimus. In angulis cubiculi efformentur cavitates strictæ quæ ad tabulatum serè ascendant, ita ut evaporatio pleno cavitatis alveo ascendens in aere dispergatur & nulla alia quam respirationis vi in pulmonem devehatur. Sic apertura quædam in infimâ parte quâ intromitteretur ignitabulum carbonibus repletum, ut super illos injiciatur materia suffitus. Medicamenta quæ possunt suffumigia præbere salutaria, sunt præsertim Benjoinum, mirrha, thus sive olibanum, ambarum, moschum, & balsama tum peruviana, tum judaica, vulgò *de la Meque*, therebentinæ, gummi que resinosarum variæ species, &c. (b) Aliquæ suffituum formulæ reperiuntur in Theatro Tabidorum Bennet. (c) In Codice medicamentario Parisiensi describuntur pastilli odorati pro fumo, qui certè mirificè sanarent.

#### V.

**INCIPIENTIS** confirmatæque phthisicos curatio, consistit in ulceris absterfione & conglutinatione, causarum producentium vel soventium ablatione, consumptionis restauratione. Ab aere medicato absterfio & glutinatio; à victu causarum ablatio, deperditionisque reparatio expectanda. Halitus & suffitus ad ulcera Pulmonum potenter detergenda siccandaque utiliter usurpari possunt, & illæ evaporationes ore, naribusque frequenter attrahendæ sunt, sic remediorem vires recta viâ feruntur. Phthisim hanc, absque ulcerum cicatrice à quibus originem suam trahit, radicis curare, & effectum, causâ adhuc manente tollere, idem est. Ad restaurationem causarumque ablationem egregiè convenit lac muliebre, præsertim, si à inammâ exfugatur. bis in die, vel solo lacte nutriatur æger. Possunt tamen in usum venire pulmonalia, amara, incrassantia, hordeata, amygdalata, & restaurantia varii generis; & illa quæ

(b) Richard, Morbo, Phthisiologia Lib. II. cap. III.

(c) Riverius Morbo, Phthisiologia Lib. III. de febre hectica.

(a) Theatrum Tabidorum pag. 71.

(b) Ibidem pag. 139.

(c) Codex medicamentarius Parisiensis pag. 109.

(a) Thentrum  
Tabidorum  
pag. 72.

à viribus ventriculi superantur, subiguntur, & in chylum laudabilem facile mu-  
tantur, & simul vitiosam corporis acrimoniam ac succos temperant. Hæc præ-  
xi multos curavisse asserit Christophorus Benner, & historias sanationum narrat (a)  
» Pulmonum lobum cujusdam mercatoris Londinensis erodebat ulcus, è tussi in-  
» veteratâ & fluxione salinâ hæmoptosim inducente oriundum, quod levis arte-  
» riæ divaricationem lobo insertam unâ perleserat; cui symptomata omnia, quibus  
» phthisis consociata est, ingruiebant, in poeius in dies ruitura; halituum denique & suf-  
» fituum methodicâ intermiscelâ sanus evalit. Quâ integritate permansit per sex an-  
» nos, quo temporis curriculo, meque annuente, Hispaniæ, ubi commercium fecerat,  
» vitam debebat incolumen; sub initio Autumnii oras Angliæ petenti, ab impeditâ  
» pororum usuali *stænveugia*, fluxus concitior totum lobum, ut lateri adhæserat,  
» replevit: cujus exæstuationis sanies pulmonem ita perfudit, ut spiritus transitum  
» brevi denegavit; dissecto Cadavere trachæe pars erosa, cui cicatrix inducta fuerat  
» varicosa; lobo verò pars adnata conspiciebatur. . . . internam arteriæ vocalis  
» membranam, per salinos affluxus derafam, tussique non raro ejectionem animadverti.  
» halituum tamen & suffituum usu regeneratam: ex quo convalescentes aliqui super-  
» sunt, binosque à phthisi diurnioris corruptelâ Pulmones frustulatim rejectantes  
» hisce, aliis non prætermisiss, redintegravi. « Hoc contra pulmonis ulcerum sana-  
» tionem fortius militabat argumentum, quod ulcera, quæ ansam huic phthisi præ-  
» bent, rarissimè perfectè sanari possint, ut pote extra manus applicationem polita;  
» sed nunc nullus restat arguendi locus, dum in parte affectâ medicamina quasi ma-  
» nu ferantur.

*Ergò ulceribus Pulmonum suffumigium è balsamicis.*

DOMINI DOCTORES DISPUTATURI.

- |   |  |                                  |
|---|--|----------------------------------|
| M. Anna - Carolus Lorry.  | M. Dionysius Panier de La-<br>Brenille.                | M. Jacobus - Albertus Hazon.     |
| M. Bernardus - Nicolaus Ber-<br>trand, Scholarum Professor<br>designatus. | M. Jacobus - Laurentius Maun-<br>roy.                  | M. Claudius - Carolus de Jeane   |
| M. Stephanus - Ludovicus Geof-<br>froy.                                   | M. Natalis - Andreas - Jeannes -<br>Baptista Chesneau. | M. Franciscus - Felicitas Cochus |

Proponebat Parisiis PETRUS-ABRAHAMUS PAJON DE MONCETS, Blæseus,  
Saluberrimæ Facultatis Medicinæ Parisiensis Baccalaureus, A. R. S. H. 1751,  
A S E X T A A D M E R I D I E M.